

DISSERTATIO MEDICA
INAUGURALIS,
DE
COLICA.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

GULIELMUS YOUNGE,

ANGLUS,

Soc. Nat. Studiof. Praefes per Biennium;

Nec non

Societ. Reg. Med. Edin. Soc. Extraord.

Ad diem 24. Junii, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXXVI.

Digitized by the Internet Archive
in 2016

<https://archive.org/details/b24928975>

Viro eximio,

R I C A R D O M I L N E S,

Apud Chesterfield, in agro Derbieni,

Medico prudenti,

Felici;

Nec non

Amico suo integerrimo,

J A C O B O E D V A R D O S M I T H,

Societatis Regiae apud Anglos

Sodali;

Hanc Dissertationem,

Summae observantiae testimonium,

D. D. D.

G U L I E L M U S Y O U N G E.

Mr Jeffray,

with respectful Compliments

& sincere Esteem,

from his Friend,

J. H. L. S. S. S.

W. Young

DISSERTATIO MEDICA

INAUGURALIS

DE

COLICA.

AB Hippocrate in genere omnes intestino-
rum dolores, testante Hoffmanno *, iliaci
nominantur, nulla facta in monumentis suis do-
loris colici mentione. Attamen Celsus ait, ‘ In-
tra ipsa intestina consistunt duo morbi, quorum
unus in tenuiore, alter in pleniore est. A ple-
risque video nunc illum priorem *εἰλεον*, hunc *κο-
λικον* nominari †.’ A seculo post Christum primo,
quo Celsus vixisse fertur, haec opinio invaluit;
et etiamnum apud multos medicos accepta est,
qui signis certis demonstrare se posse putant,
quaenam Ileum inter et Colicam intersit distinc-
tio. Quandocunque, aiunt huiusce opinionis
A sectatores,

* Hoffman. Medicin. rational. sect. II. cap. 5.

† Cels. lib. IV. cap. 13.

sectatores, dolor acutus modo supra umbilicum, modo sub umbilico moveatur, intestinum Ileum laborat; quando Colon adficitur, vehemens fit inflatio, vehementes dolores, dextra magis parte, et intestinum verti videtur*.

Multum equidem auditores suos hortantur medicinam docentes, ut in cadaveribus variarum partium situm nexumque notent adcuratè, quo in morbis dignoscendis optima habeant artis adminicula. Videamus igitur, situ intestinorum explorato, quaenam exinde profluant confectaria.

Aperto abdomine, in conspectum venit canalis, a ventriculo usque ad anum longissimo tractu productus, variis inflexus circumvolutionibus reflexusque, qui intestinorum nomine vocatur. Haec autem, pro eorum diverso volumine, in tenuia et crassa dividuntur. Totius canalis longitudo ipso homine sexies major est; ponamus scilicet hominis altitudinem sex pedum esse, intestina omnia simul sumpta triginta sex circiter pedes exaequabunt. Exiguam tantum longitudinem emetiuntur intestina crassa dicta; tenuia triginta pedes sibi vendicant. Intestina vero, quum facie et structura inter se discrepent, utraque

* Cels. lib. IV. cap. 13.

traque denuo in tria alia partiri placuit anatomicis: Tenuia in Duodenum, Jejunum, et Ileum dirimuntur; crassiora vocantur Caecum, Colon, et Rectum. Horum utriusque situm, prout occasio postulat, breviter expediam.

Orificium ventriculi inferius in dextra regione epigastrica haeret, ibique plica, fibris muscularibus, textu celluloso, tunicisque nervea villosaque conflata instruitur, quae pylorus adpellatur. Huic circumnatum incipit duodenum, a longitudine duodecim quasi digitorum nominatum. Retrorsum primo et oblique dextrorsum descendendo, paullulum incurvatur, et ad collum usque cystidis felleae pertingit: dein ad renem dextrum progreditur, et ad sex circiter a pyloro digitos, prominente uno hiatu, choledochi pancreaticique ductuum oscula recipit. Hinc denuo ante aortam et venam cavam transversim et sinistrorsum, pone pancreas et vasa magna mesenterica, sursum excurrit; alioque flexu facto, sinistroque rene salutato, deorsum vergit, et in jejunum terminatur. Jejunum autem, quod saepe vacuum conspicitur, in dexteriores partem conversum gyris incertis vehementer adeo implicatur, ut cursus nequeat scribendo illustrari; regionem umbilicalem circumvolutiones
ejus

ejus potissimum occupant. Qua vero jejuni finis cum ileo conjungitur, res sat obscura est: quamvis enim de colore ilei magis rubicundo, de plicis copiosioribus apud anatomicos differatur, jejunum inter et ileum, sub initio saltem, nullum interest discrimen; et illustrissimus Hallerus sub nomine intestini tenuis utrumque complectitur. Ileum canali subrotundo flexuoso constat, qui jejuni sinuosa volumina a lateribus et ab inferiori parte obvolvitur; attamen sub umbilico praefertim sedem habet, et in regione iliaca, renem dextrum paullisper infra, intestinis crassis adnectitur. Ileum autem in duo intestina hiat, si pro duobus diversis caecum et colon jure habeantur. Caecum forsan rectius spectari potest, ceu intestini coli productio in saccum ampliorem expansa. Ante ilei ingressum valvula Tulpiana pendet; ultima nempe pars tunicarum ilei villosae nervosaeque cum fibris muscularibus producit, et cum iisdem coli tunicis fibrisque ea ratione conjungitur, ut valvulam duplicem, palpebrarum oculi instar, efformet; quae adpulsu materiarum ab ileo descendantium utrinque deducitur, nisu autem contrario facto aperturam ilei complanata ita claudit, ut rimam tantum transversam referat. Intestini crassi productio caeca,

caeca, una cum intestinulo suo, sive processu vermiformi, in regionem iliacam dextram porrecta ossi ileo incumbit. Colon ipsum supra renem dextrum continuo ductu adscendens hepatis subjicitur; hinc transversim sub ventriculo ad hypochondrium sinistram sese confert, lieni appropinquatur, et in recessu sub ipsis costis sinistris profundo in se varie contorquetur; descendit iterum reni sinistro incumbens, et in regionem iliacam sinistram deorsum prolabitur, ubi flexu majori facto in intestinum rectum desinit. Hoc autem, ad vertebam lumborum ultimam exortum, deorsum nonnihil et antrorsum vergit, atque in cute tandem orificio proprio terminatur *.

Hic est, qui in plerisque cadaveribus observatur, intestinorum situs: Neque enim in abdomine laxa volvuntur, prout mutato corporis situ fors ferat; sed ipsis abdominis parietibus, visceribus aliis, et inter se, mediante peritoneo, firmiter adnectuntur; quippe varias productiones et duplicaturas nobilis haecce membrana profert, quae intestinorum stabilitatem cum mobilitate servant.

* Haller. prim. lin. physiol. Leber. praelect. anatom. Morgagnii adversar.

fervant. Interdum vero situs aliquantulum mutatur; ligamenta enim a peritoneo ducta vel numero et figura variant, vel laxata remittantur, vel facies eorum adnatae cohaereant. Hanc degenerem fabricam sectio cadaverum abunde exhibet, praesertim in colo, quod interdum, intestinis tenuibus detrufis, umbilico ipsi adcumbit; interdum supra jecur, ventriculum, ac lienem decurrit; imo cartilaginibus costarum spurriarum ac mucronata cartilagine tectum aliarum potius morbos refert quam suos*.

Situ itaque jam breviter enarrato, (nolo enim oratione longa lectorem delassare,) annon adfirmare licet, a loco, cui dolor aegro inesse videtur, incerta admodum de sede morbi ferri posse judicia? Hanc sane sententiam confirmavit hominum ileo, ut visum erat, denatorum sectio anatomica: In his enim Willisus, De Haën, et alii probatae fidei autores, morbi causam in colo latentem animadverterunt. Imo, ut praeclara Morgagnii verba adjungam, ‘qui plura inciderunt aut inspexerunt cadavera, hi saltem, cum alii minime dubitant, ipsi dubitare didicerunt.’ Porro signa, quae Colicam et Ileum faciunt, eadem

* De Häen Rat. Med. Vol. III. 450. Morgagn. Adv. Anat. 3. Animadv. 13.

dem sunt; nisi quod in illa leviora sint, in hoc autem, ingravescente morbo, cuncta exacerben-
tur, vel etiam nova quaedam, pro morbi dura-
tione, superveniant. Denique, eadem sunt in
utroque morbo medendi viae. Non possum igitur
quin sub eodem capite Colicam Ileumque
complectar; scilicet hoc docent Causae mali, hoc
confirmat Anatomia, hoc suadent Signa morbi
praesentis, hoc jubet Methodus medendi felicissi-
me instituta.

D E F I N I T I O.

Ut vero clarius innotescat quid id sit de quo
differatur, a definitione exordiar. Colica autem
dicitur, quandocunque adsint

Dolor abdominis, praecipue circa umbilicum
torquens; nausea; vomitus; alvus adstricta.

SIGNORUM

SIGNORUM ENARRATIO,
SIVE MORBI HISTORIA.

PRIMO quidem abdomini toti quasi ponderis sensus inest, quem dolor obtusus vel simul comitatur, vel cito excipit. Hic autem alicui parti vix jam referendus est, sed aegrum tantummodo gravat, cum magna saepe desidendi cupiditate, conatu tamen omni irritato. Paulatim dolor exaugetur; interdum gravissimus cruciatus per totum abdomen, praecipue circa dorsum, versatur; juxta renes etiam, itemque supra infraque umbilicum divagatur, ventris modo dextram modo sinistram partes occupans, varius omnino et instabilis; interdum etiam flatus quodam veluti rugitu intus obmurmurant, arcte tamen conclusi neque ore neque alvo erumpunt. Est autem ubi dolor in uno loco ita stabilis haeret, ut terebello quasi pertundi videatur; unde dolor appellatur terebrans. Saepe vero aeger de intestini partis cujusdam dolore queritur, ac si arcte filo circumducto constricta esset, vel pondere graviore superimposito premeretur.

Musculi

Musculi abdominales spasmo plerumque convelluntur; at, licet varias partes adficiat, praecipue tamen circa umbilicum cum ejusdem retractione torquet. Musculorum portiones carnae in cumulos duros, subrotundos, circumscriptos, durante spasmo, colliguntur; et valide adeo revelluntur hypochondria, ut costarum notharum cartilagines integumenta sua protendant.

De consensu ventriculi cum variis, imo fere omnibus, corporis partibus multum disceptarunt auctores; cum intestinis autem, quae eadem structura gaudent, et vix nisi ejusdem canalisi continuatio sunt, (uti in ranis et aliis quibusdam animalibus videre est,) hic consensus imprimis obtinet. Fere semper igitur, ingruente morbo, anxietas praecordiorum, cum eructatione, cardialgia, nausea, et stomachi vellicatione, praesto est. Sumpto autem, ex materia vel solida vel fluida confecto, cibo multum exaugetur, et statim fere post deglutationem vomitus fit, utut obnitatur et comprimere conetur aeger. Inquietudo tamen, nauseae semper comes, non, ut saepius accidit, evacuato stomacho sublevatur, sed persistente morbo ingravescit.

In hoc morbi stadio, tactum digiti ventrem prementis aeger perferre potest, et exinde levamen aliquod interdum suboriri putat; alias autem, praecipue quando vires majores morbus adquisiverit, aucta ventris sensilitate torquetur, tactumque refugit: compressa autem regione umbilicali, crudelissimi inde nascuntur cruciatus. Jam vero, dolore ventris et spasmo musculos ejus convellente auctis, erectus stare nescit; at, si pedibus insistere velit, antrorsum flectitur; hunc tamen corporis situm aegre ferens, supinus jacere gestit, capite in pulvinar elevato, ac genibus ventrem versus sublatis.

Pulsus, ineunte morbo, parum mutatur; interdum aliquanto frequentior, perraro fit validior; arteria vero parva ac compressa motu inaequali per saepe micat. Respirandi difficultas adest, aucto scilicet abdominis sub inspiratione plena dolore, et motu facili diaphragmatis impedito; invalescit etiam, prout in abdomine dolores fiunt vehementiores. Spiritus frequenter male olet. Os et lingua prae siti arescunt, vel humore glutinoso obducuntur; hic quoque dentium collo inhaeret, etiamsi coronae illorum per saepe laeves admodum et vitreae quasi conspiciantur. Post vomitionem pluries iteratam, subamarus quidam

et

et molestus in ore sapor percipitur, atque materia flava aut porracea inter vomendum copiose ejicitur.

Symptomata gravissima jam memorata interdum remittuntur; sed paullum temporis tantummodo levamen perstat, dolore iterum auctis viribus redeunte. Quid mirum igitur si noctes diesque aeger infomnis agat!

Vigiliis autem diutius productis, anxietate perpetua, et inopia cibi, corpus admodum debilitatur; quin insignis animi dejectio est cum inoerore et suspirio. Malae pallefcunt et extenuantur; oculi fiunt concavi, et circulo livido circumdantur: Imo totius fere corporis cutis arida colore plumbeo, vel interdum subluteo, icterode, tineta videtur. Urina fere semper parca est, et frequenter ad eam excernendam aeger incitatur: Excreta rubet, et inter mingendum acredine sua urethram urit. Pulsus fiunt frequentiores; omnis cibi appetentia perit; et, fracto penitus robore, aeger vix sese sustinendo est, vel membra movere valet; oculis vero semiclausis supinus jacet, nisi quando ad saeviora mala excitetur. Abdomen equidem minus spasmus convellitur, magis tamen intumescit, plerumque a tactu vel levissimo abhorrens. Singultus

gultus adest. Subinde vomitus, praecipue post alimentum quodvis assumptum, intentatur, et, prohi dolor! faeces ipsae ore evomuntur.

Pulsus jam frequentissimi, exiles, interdum parvitate vix percipiendi; subsultant tendines; sudores largi, gelidi, frontem, collum, totumque demum corpus, perfundunt. Aliquando, periculi jam instantis praesaga, delirium mite et frequens animi deliquium superveniunt. Denique, vel cruciatus, convulsione consecuta, intenduntur, vel dolor subito evanescit; alvus funditur; extrema frigent; ungues curvi livefcunt; digiti contrahuntur; aures et labia frigent; excuuntur nares; tempora collabuntur; et mora tandem obrepit, miseriarum optata finis.

Ita fere ut plurimum morbus progreditur, quando nulla cunque medicamenta propinata sint, vel, quod eodem redit, quando docta plus valeat arte malum, et omnia, licet praestantissima, medicamenta frustra in usum trahantur. Nihil ad levamen aegri facit, nisi quod motum intestinorum idoneum excitando adeo inserviat, ut deorsum expellatur materia alimentorum effoeta. Quandocunque vel sponte vel coacta moveatur alvus, faeces copiosae in globulos subrotundos, faecum instar ovillarum, fictae dejiciuntur,

tur, (parte earum liquidissima vasis bibulis re-
 forpta,) vel liquidae prodeunt, multo simul e-
 misso flatu. Ventris dolores ac spafmi continuo
 mitefcunt; naufea et vomitus fublevantur; pul-
 fus fit plenior, blandusque coepit profundi fudor.
 Æger, vigiliis jamdiu defatigatus, iterum fom-
 no fe totum tradit; novas fumit inde vires; et
 iis methodis, quae aegrotanti profuerant, diutius
 aliquantulum infiftendo, ad fanitatem priftinam
 vix non reftituitur, et fit ad omnia vitae munia
 alacris atque vegetus.

Morbus plerumque mitior intra paucos dies
 terminatur; gravior interdum ad dies ufque vi-
 ginti producitur, vix ulla interpofita remiffione.

E X T I S P I C I A.

QUANTUM ad veram pathologiam faciat
 cadaverum infpectio, eorum praecipue, quorum
 morbi, dum viverent, attente confiderati fuerant,
 quifque in re medica vel minimum verfatus no-
 vit: Hic igitur haud abfonum erit notare, quae-
 nam

nam exta rimantibus obvenerint. Anatomici vero non unum, sed omnia intestina, in hoc morbo depravari posse docent; et mutationes, quas invenerint, adeo sunt insignes, ut pares aliquis haud facile vel ingenio fingat.

Intestina diametro suo praecipue aucta videre contigit; attamen mole adeo inaequali distenta, ut in aliis, duabus puta, partibus omnis intestini cavitas fere prorsum deleteretur; partis autem interpositi intumescencia, a faecibus flatuque collectis, humerum vel femur ipsum amplitudine exaequaret. Interdum una tantum visa est angustia, quasi arcte circumducta filo; paullo superius autem intestini portio, in immensam molem dilatata, stomachum ipsum vel intestina alia comprimebat. Nonnunquam in tortuosa volumina intestina convoluta sunt, singulis gyris faecibus oppletis; anguli autem, qui exinde fiunt frequentiores, prorsus vacui contractique se distendi vetant; hujusmodi flexus duodécim in demortui cujusdam colo vidit De Haën*.

In cadaveribus hominum hoc morbo denatorum, partis unius intestini in aliã subingressum medici subinde observarunt. In iis autem, qui
acu-

* Rat. Med. Vol. I. p. 87. Vol. III. p. 375.

acutissimis doloribus vexati pereunt, alia notatu digna conspiciuntur; etenim ad omnes intestini reduplicaciones inflammatio levior quandoque detegitur; atque materies inflammatoria sanguinis transfluendo crustam gignit, qua illae intestini reduplicaciones secum mutuo agglutinantur*. Interdum ileum et colon, morbofo flexu contigua, arcte coalescunt†.

C A U S A P R O X I M A.

A signis jam relatis, necnon cadaverum inspectione, causa proxima, sive morbi natura, patet: ‘Est partis alicujus intestinorum contractio abnormis, spastica.’ Hanc eo magis pro causa agnoscere volo, quod Peyerus, illustris Anatomicus, experimento in rana viva instituto illam plenissime comprobavit. Hujusce experimenti historiam eleganter adeo et accurate tradit, ut non dubitem ipsius verba proferre.

‘Torminum genesin, atque introsusceptionis conceptionem, anni superioris aestate, ranae jucundo

* De Haën Rat. Med.

† Lieuraud Hist. Anat. Vol. I. p. 101.

cundo admodum et utili experimento oculis nostris exhibuerunt. Etenim intestina, vivente amphibio, laceffita in diversis locis, pertinacissime mox se constringebant, contentis violenter sursum deorsumque, qua data porta, protrusis, atque hinc inde in cumulos quasi congestis: Unde quaedam intestini portiones valde impletae ac turgidae, quaedam prorsus inanes et artissime clausae perstiterunt; donec, soluta fibrarum strictura, meatus liberior redderetur: Intestinis autem hinc inde se constringentibus, et sive chylum, sive faeces, sursum deorsumve projicientibus, factum, ut illae alicubi in molem adgestae parietes intestini plus debito ampliarent; quod in sacci morem dilatatum intra se recepit constrictam inferioris intestini portionem, eamque sinu suo absconditam aliquandiu retinuit: Donec, fibris se denuo exporrigentibus, intestinum, e latibulo alterius, in apricam pristinamque sedem rediret.'

Hoc experimento quid pulchrius excogitari potest? Quo propius stes, te capiet magis. Fateor equidem viros summae in physicis autoritatis in gravissimos errores incidisse, dum experimentis, in aliis animalibus institutis, de physiologia humana ratiocinia sua stabilire conarentur.

In

In his scilicet Natura mira varietate ludit, et ad propria munia rite perficienda dotibus suis propriis quodque forsan animal instruitur. Motus tamen, de quo nunc loquor, vermicularis, in uniuscujusque * intestinis observatur, modo cauta fiat inquisitio, alimenta vi iterata deorsum urgens. Ergo experimentum Peyerianum multum ad rem facit, Colicaeque naturam egregie illustrat.

Neque tantum ab analogia pendet causa jam relata, verum eadem quoque in hominibus animadversa est. Spasmodicae partium constrictiones plerumque a morte solvuntur; non raro permanent; hasce autem in hominum Colica extinctorum intestinis nondum solutas medicis vidisse contigit. ‘Novimus quoque, inquit De Haën, manere quandoque perpetuo has contractiones, tetani in modum, in vita hominum; a morte autem vel solvi, ut aliis in tetanis vidimus, vel pertinaciter permanere, ut alias biduo triduoque a morte plus semel observavimus †.’

Haecce causa aptam signorum rationem praebere videtur; neque singula iterum sigillatim

C

repetam

* Haller. Elem. Physiol. Vol. VII. p. 77. 81. &c.

† Rat. Med. Vol. III. p. 186. Vid. quoque Aët. Philosoph. Angl. n. 476. citat. ab Haller. in Elem. Physiol. Vol. VII. p. 78.

repetam necesse est; de duobus tantum fufius diflerere fert animus.

VOMITUS autem initio biliofus, progreflu faeculentus, imprimis adcuratius notari debet; etenim habita cum ftructurae partium anatomicae, tum motus inteftinorum naturalis, ratione, non possumus non mirari, unde aliquid infoliti adeo evenire poffit. A natura fane cautum effe videtur, ut cibus (qui inteftinis ftimulo idoneo eft) a ventriculo descendens, fuperiorem duodeni partem irriter; haec contractione fua in partem inferiorem relaxatam cibum deorfum promoveat; inteftina autem alia tenuia tum fe adft ringendo, tum relaxando, in inteftina craffa tandem materiam depellant. Novimus autem, et a fignis morborum qui hunc canalem infeftant, et ab experimentis ad hanc rem probandam institutis, motum vermicularem adeo immutari poffe, ut omnia alimenta furfum retro ferantur. In canali adeo flexuofa nihil huic motui pondus obftat; deorfum fane natura fertur; fi vero descendentis cibo obex aliquis refiftat, et ulterius progredi non detur, erit ibi fedes praecipuae contractionis, et cibus relecta tota inteftinorum longitudine ad ventriculum ipfum reduci, et hujufce actiones abnormes ciere, poffit. In Colica ita fe res habet,

bet, et exinde bilis ipsa cum alimentis in ventriculum relâtis vomitione rejicitur.

De faecibus autem ore rejectis apud medicos permagna est dissensio, quam valvulae dictae Tulpianae contemplatio movet; haec enim, ut modo dixi, prorsus impedire videtur, ne ex colo quidquam in ileum remeet. Morgagnius, quem veri amantissimum veneramus, dubitat, anne unquam ii, qui stercus vomere creduntur, faeces a colo remeantes evomant; sed materiam potius stercorei similem esse putat, qualem in iis, quibus ileum intra hernias arctissime compressum, atque adeo prorsus occlusum, supra occlusionis locum observare consueverat*. Swietenius contra non modo faeces ipsas a colo, sed etiam clysmata a recto remeasse adfirmat; ‘etenim, inquit, probatissimi autores hoc observarunt, et ipse manifeste vidi†.’ Ego sane facile adducor ut credam materiam, non modo stercorei similem, verum ipsam stercoreaceam, per os rejici, etsi a colo ne minimum quidem revehatur. Cuncta alimenta, postquam in ventriculo rite subacta fuerint, intestinis exhaurienda traduntur. In
his

* Morgagn. *Advers. Anatom.* III. *Animadv.* 9.

† Van Swieten. *Comment. in Boerh. Aphor.* 960.

his paullatim descendendo mutantur, et tandem, toto intestinorum tenuium peragrato tractu, succoque alimentario vasis bibulis resorpto, in materiam effoetam, five faeces convertuntur, antequam in crassa depellantur*. Si igitur in ipso ileo stercus adsit, in leviori malo hoc tantum evomi posse putem. Quandocunque vero morbus vires majores adquisiverit, vel in ipso colo morbi causa lateat, nullus dubito quin faeces, mutato cursu, in intestina tenuia sursum ferantur.

Ad hanc rem dijudicandam experimenta in canibus instituit Halesius. Elutis primo faecibus, in rectum inferebatur instrumentum idoneum, tubus scilicet productior, cui ad altitudinem quinque pedum infundebatur aqua. Tum demum animadvertit aquam in intestina tenuia per valvulam Tulpianam guttatim illabi. Haecce tanti viri, qui vana dixisse vix credatur, experimenta laudare nequeo: imo enim, Intestinum colon in canibus et aliis quibusdam animalibus non eadem, ac in homine, structura gaudet†, et

* Inveni aliquoties scybala pauca, alia vice stercus liquidum copiosius: Kalschmidius vero ad ulnae a colo distantiam usque repletum ileum. De Haën Rat. Med. Vol. II. p. 303.

† Morgagn. Advers. Anat. 3.

et fibrae musculares rariores valvulae orificium forsan minus arcte claudunt: 2do, In mortuis omnia flaccidiora fiunt; ergo haud apte quivis dixerit in homine vivo eadem fieri debere: 3tio, Intestinis aqua ablutis plurima mutantur: jamdudum Albinus, et De Haën Albinum imitatus, valvulam sine adparente partium laesione, sed modo nimia mundatione praeparatam, fere totam disparuisse docuerunt*: Denique, ab hisce experimentis non ratio patet, qua celeriter adeo, postquam in anum injecta fuerint, ore iterum enemata reddantur.

Hac igitur praetermissa, alia methodus quaerenda est; hanc autem, ni fallor, praemonstrat cadaverum inspectio; intestinis enim faecibus flatuque ultra quam satis est distentis, valvula officio suo fungendo impar evadit†. Hinc illa lachrymabilia signa, quae in historia morbi fusius enumerantur.

COLOR CUTIS ICTERODES colicae tantummodo graviori subesse videtur, et ab ingressu bilis
in

* De Haën Rat. Med. Vol. I. p. 89.

† Haguenot Diss. de vomitu faeculento in passione iliaca, Monspel. 1715. p. 60. De Haën Rat. Medend. Vol. I. p. 90. Vol. II. p. 304.

in duodenum impedito pendet. Ductus choledochus oblique spatium quoddam inter tunicas ejus extimam et muscularem ante emetitur, quam in intestini cavum hiet; fibrarum itaque muscularium duodeni contractio validior ductum quoque comprimat necesse est, unde, exitu descendentis bili denegato, icterus oriatur. Quinetiam ductus ipse spasmō torquetur. Hanc icteri causam viri in re anatomica versatissimi plane negant, quia scilicet tunica muscularis neque scalpello neque arte ulla demonstrari potest. Attamen (pace tantorum virorum dixerim) ex eo, quod fibrae non conspiciantur, nefas est colligere easdem non adesse; etenim musculari saltem contractilitate ductum gaudere plurima exempla probant, et ab hujusmodi actione spastica vel in ipsa colica ortum fuisse icterum certior ab amico quodam factus sum. Homo, per quatrídium violentissima colica vexatus, periit; biduo vero ante mortem icterus supervenerat. Aperto cadavere, quo causa mali in aprico esset, ductus choledochus, etiam post mortem, spasmō validiori contractus inveniebatur.

CAUSAE

CAUSAE PRAEDISPONENTES.

QUONIAM Medicorum est non tantum morbos tollere praesentes, verum etiam advenientes praecavere posse, ergo illorum maxime interest novisse, unde fiat ad varios quoscunque morbos opportunitas.

Habita autem aliorum morborum, qui spasmodici nominantur, ratione, vel ‘a priori’ expectandum esset illos praecipue colicam quoque vexaturam, qui fibrarum muscularium mobilitate nimia tremiscunt, non qui sano vigore pollent. Hanc sententiam experientia fida confirmat. Infantuli enim, maxima mobilitate praediti, dolore hoc atroci saepissime enecti pereunt. Pueris valde familiaris est et frequens colica. Mulieres magis sunt, quam viri, ad hunc morbum proclives; et ex his ii praecipue plectuntur, qui luxuriosi, desides, otio tantum student, neque exercitio idoneo corpus firmare laborant. Quippe vita otiosa ventriculus et intestina plurimum infirmantur, quod clare evincunt ructus flatusque huc illuc divagantes. Quaecunque hanc

corporis mobilitatem augment, ad morbum opportunitati favent; itaque calor nimius (uti in regionibus calidioribus aestivo tempore videre est) vel morbum inducendo est, vel praesentem intentat. Feminae forsan ideo fiunt ad colicam opportuniiores, quod in conclavi calidiori degentes liquores tepidos usque pitissent. Quae-
nam sit illa fibrarum muscularium conditio, e qua mobilitas pendet, ignarum memet plane fa-
teor; neque enim de actione sana quidvis certi compertum est. Sufficiat igitur dixisse, quae mobilitatem faciant quaeve tollant.

Quinetiam alia est conditio ad hunc morbum opportunitatem gignens. Illam volo alvi tardi-
tatem, quae vel sponte fit, vel consuetudine ma-
la inducitur. Hac ipsa praedisponente causa ul-
tra modum aucta, vel tandem causa excitante
sefe adjungente, colica constituitur. Intestina
enim, distensione^{ti} saepius iterata, (dum forsan
vivendi modus corpus debilitet,) contenta sua
vix ultra propellere possunt. Crescit in immen-
sum moles, alias intestinorum partes comprimit,
et fit ipsa pertinacissima causa mali. Hinc hy-
pochondriacis, quibus alvus plerumque tarda est,
dolor intestinorum familiaris.

Causis quoque praedisponentibus adnumeranda est partis alicujus intestinorum praeter naturae modum angustatio. Haec interdum, nullo morbi praeunte signo, gradatim supervenit; interdum alium morbum, uti inflammationem intestini male curatam*, excipit. Pars autem angustior facta haud absque insigni difficultate alimentorum massam transmittit, quod ab anxietate subinde redeunte patet. Nonnulli quidem hujusmodi angustationem per sat longum vitae decursum intra se gerunt, neque aliquid omnino incommodi patiuntur. Neque tamen ideo dubitandum est, quin admota causa excitante, gravissimae inde nascantur Colicae passiones.

Est alia angustatio spuria dicenda (quod intestinum ipsum haud primario coarctatur, sed cavum ejus materie quadam extranea oppletur,) quam inter causas Colicae remotas autores recensuerunt. Hanc plerumque faciunt concretiones quaedam tophaceae, quas se multoties vidisse testantur Fernellius, Horstius, et alii medici illustres. His fere semper nucleus inest, cui plerumque circumcirca colliguntur ramenta ci-

D

borum,

* De la Peyronie, Aët. Acad. Chir. Paris. tom. I. De Haën Rat. Med. Vol. I. p. 87. 88. Vol. II. p. 315.

borum, et crusta tartarea sublaevis obducitur. Pro nucleo saepe sunt prunorum vel ceraforum officula, aut agnorum gallinarumve pedum ossa parvula, deglutita. Quorum in intestinis haec morbi causa, digitis saepe exquirenda, latet, illos quandoque, dum concretio parva est, dolor subito aggreditur, subitoque iterum evanescit; interdum post ingentes dolores calculi hujusmodi, ovi gallinacei magnitudinem exsuperantes, ejecti sunt *. Si diutius intus haereant, dolor saepius iteratur, ingravescit, lethumque demum adfert. Nulla enim adhuc excogitata est methodus, qua vel in canali alimentario calculosae concrectiones solvantur.

Hae praecipuae sunt causae, quae ad morbum opportunitatem gignunt. Saepe vero iis, quibus nulla cunque fuerit opportunitatis suspicio, modo causae excitantes vi majori admoveantur, Colica nascitur. Has igitur proxime recensere placeat.

CAUSAE

* A&S. Societ. Philos. Edin. Vol. II. p. 345.

CAUSAE EXCITANTES.

PERPENSIS autem variis, quae ad corpus vel alendum vel grate adficiendum adsumuntur, cibariis, ab iis praecipue, qui, aurea mediocritate spreta, parvo vivere nesciunt, sed per terras, tractusque maris, coelumque profundum, quaerunt quod gulae placeat, quam variae sint hujusce morbi causae excitantes, facile patebit. Has tamen omnes fere duo capita complectuntur.

Imo, Cibi copia nimia adsumpti nocent. Heluo, qui assis elixa miscet, et languentem stomachum condimentis iterum ad ingluviem provocat, aut coena dubia adlicere satagit, ille, inquam, poenas criminis haud raro pendit. Tanto oneri digerendo ventriculus impar evadit, et copia cruda in intestina propellitur; ingesta spontaneas suas subeunt mutationes, easque varias pro varia adsumptorum indole; materia acris intestina rodit, et spasmos movendo morbum facit. Alii, helluones minime adpellandi, qui nimia copia incauti peccant, aequè plectuntur. Ipse novi hominem, qui gratissima aurantium dulcedine

cedine captus, duodenorum simul succum com-
biberit. Attamen post gaudia luctus; exinde
enim colica, gravissimis torminibus stipata, na-
ta est, e qua, vel peritissimo adfidente medico,
vix salvus evaserit.

2do, Praeter copiam, cibaria etiam indole
peccare possunt, iis praecipue, qui ad morbum
de quo agitur opportuni sint, nocentissima. Co-
licam melonum atque cucumerum esu solo ortam
fuisse multi dicunt. Legumina omnia, uti fa-
bae ac lentesc, quippe quae, referente Halesio,
aërem plurimum in se continent, et difficillime
concoquuntur, nocent. Olera, praesertim bras-
sica, intestinis saepe fastidia movent; interdum
quoque saccharata, quae fermentationi favent,
fructuum horaeorum ingurgitatio, vel potus non
defaecati. Semina, cerealia dicta, praesertim si
male fermentata adhibeantur, intestinorum spas-
mos haud raro inducunt; panem quoque ex iis-
dem confectum, butyro statim atque e furno e-
ducatur illitum, dolores colicos, si largius ad-
sumatur, ciere posse novi. Dura omnia atque
indigestilia, uti caseus ad ignem tostus, caro fu-
mo indurata, salsamenta, et alia hujusmodi, ho-
mines, quorum ventriculus (ut ita dicam) caco-

chymia laborat, valde sollicitant. Tantundem valet in infantibus lac acore nimio coagulatum.

Sunt autem, quibus proprium est variis, qui vulgo innoxii habentur, cibis male adfici; ideoque colicam saepenumero gravissimam intulerunt mytilus edulis, et agaricus campestris Linnaei.

Causae, quas jam memoravi, morbum saepe non gignunt, vel quia res aliae simul adsumptae damna earum refarciant, vel quod intestina satis lubrica, motu eorum naturali aucto, illas cito demittant. Sin alvus adeo adstricta sit, ut in intestinis nimium retardentur, vix non fieri potest quin spasmos tandem cieant.

Colicam quoque in pueris excitare dicuntur vermes in intestinis convoluti. Forsan animi pathemata, uti ira vel moestitia, non plane negligenda sunt, ob impeditam inde justam concoctionem. Carolus Piso refert * semet ipsum saeviente Borea immanibus coli doloribus semper fuisse vexatum; neque dubitandum, quin frigus pedibus adplicatum colicam aliquoties intulerit †. Herniam, quatenus alvum constipat, irritat, et inflam-

* Pis. de ferof. colluv. lib. II.

† Vid. De Haën Rat. Med. Vol. II.

inflammationem tandem excitat, colicae gravissimae causam esse varii adserunt auctores *.

DIAGNOSIS.

AD diagnosin tandem progredior. Habita autem situs intestinorum naturalis mutatique, quem olim breviter descripserim, ratione, haud facile a dolore solo diagnosin quivis instituat. Intestina sese multis in locis superascandunt; colon praecipue tantum variat et situ et magnitudine, ut facile inde colligatur colicam vel nephralgiam, vel hepatis lienisque inflammationem, vel etiam ipsius lateris dolorem, mentiri posse, si ex solo loco adfecto quis judicet. Diagnosin igitur instituenda

* De colica Pictaviensi, utpote quae signis quibusdam sibi propriis, (nempe tuberibus in metacarpo, et in paralysis terminatione,) a colica vera admodum diversa est, atque ipsa non nisi dissertatione productioni dicenda, nihil prorsus enarrare volo: Colicam arthriticam, quam Pictaviensi simillimam descripsit Strack, haud unquam me vidisse memini; nolo itaque de illa fusius differere; lector benevolus adeat ipsius de colica arthritica dissertationem.

tuenda est sedula signorum observatione, prout in singulis morbis vel simul adsint, vel sese excipiant *.

Colicam inter et Nephralgiam diagnosi haud difficilis est. In hac dolor regioni lumbari vel stabilis inhaerescit, aculei infixi more pungens, vel ureteris iter sequens oblique vesicam versus extenditur, et in viris ad testem proximum excurrit, cum ejusdem retractione dolorifica. Crus, quod e directo est adfecti renis, vel dolore stringitur, vel insensile obtorpescit. Urinae reddendae cupiditas crebrior est quam in colica: et quod inde excernitur plerumque pallidum est; interdum quasi arenam, interdum quasi sanguinem, trahit. Hic quoque nostra novisse interest, anne olim aeger calculo vexatus fuerit; si enim arenulas antea dejicere consueverit, nephralgia recidiva metuenda est. In colica vomitio magis urget, ob majorem forsan coli cum ventriculo continuitatem, atque alvus magis adstricta est; haec autem soluta colicam multo magis quam nephralgiam levare solet. A pastu colicus dolor augetur; nephriticus autem post liquoris blandi adsumptionem ut plurimum potius mitescit. Hepatitidem

* Ill. Cullen. Prim. Lin. Vol. I. § 2.

patitidem a colica distinguunt tussis sicca, et dolor ad claviculam et summum humeri dextri. Pleuritidem vel paraphrenitidem designant pulsus durus, tussis dolentissima, decubitus difficilis.

Attamen inter intestinorum inflammationem spasmusque dignoscere hic labor, hoc opus est. Pulsus non in enteritide, ut in aliis plerisque morbis inflammatoriis, durus est et plenus; sed illam comitantur languor insignis, et pulsus debilis ac parvus; nihilominus celeriter adeo infausto exitu terminatur, ut intra quindecim vel viginti horas aegri haud raro morti succumbant. Ut in re tam difficili diagnosi apta fiat, sequentia caute notanda sunt discrimina. Si in parte quadam abdominis, quam intestina tenent, dolor acutus, urens, fixus adsit, pressu fere semper immaniter auctus; si pulsus celer ictu debili digitorum explorantem feriat; si vomitio perpetuo aegrum vexet; si vires subito labascant; si denique, ingruente morbo, horror atque rigores adfuerint; jure forsan inde colligatur intestina inflammatione tentari.

Hernia, sive umbilicalis sive inguinalis, per se patet. Volvulus intestinorum perraro fit; neque, ut olim credebatur, causa morbi est, sed potius ipsa morbi sequela. Quandocunque superveniat,

perveniat, eadem signa, quae in enteritide modo descripſi, prae ſe ferre ſolet, et mors ſemper eſt in procinctu.

P R O G N O S I S.

FELIX qui advenientia praevidere, et in re incerta certi quid futurum pronunciare potuit! Nihil enim medici famam magis inluſtrat, quam prognofis feliciter inſtituta. Pulchrum eſt liberis et amicis de aegro fauſta praedixiſſe; et, ubi omnia in pejus ruunt, haud minimi eſt momenti, ut aeger placida morte conquieſcat. Medicina quidem ars conjecturalis dicitur; attamen medici praeſtantiores, obſervatione ſedula edocti, plurima indicia detexerunt, quae morbum brevem aut longum, ſuperabilem aut invictum, praenunciant. Haud inficiandum eſt, quin conjecturae interdum fallant; ſed illae certe fidem habere debent, quae multo ſaepius, perque multo plures aegros, respondeant.

Nihil autem hic temere promittendum, ob varias ſaepe et plures conjunctas cauſas, et ſignorum quandoque fallaciam. Dolores inteſtinorum

ab morbi initio lenes, vagi, necnon interdum remittentes, musculorum abdominalium spasmi mites, alvus haud pertinaciter adstricta, sed cum magno aegri levamine respondens, cutis denique sudore tepido perfusa, spem futurae salutis arguunt. Mortem e contrario minitantur dolor pertinacissimus, fixus, absque ulla quiete persistans, alvus pertinacissime adstricta, vires subito labascentes, animi deliquia, subsultus tendinum, delirium, et gelidi, praesertim in fronte, sudores; surditas quoque et offusae oculis tenebrae, malum. Alvus interdum, vel sponte vel clysteribus adhibitis, absque signorum levamine solvitur; scilicet prodit tantum aut pars, aut totum stercoraeum, quod infra locum, ubi causa proxima residet, haerebat. Interdum alvi dejectio mali ominis est, partibus gangraena laxatis.

Quinetiam vomitus stercoraceus pro certissimo lethi imminentis signo habetur; attamen historias quasdam probatae fidei autores * tradiderunt, quae aliam opinionem suadere videntur; atque

* Boneti Sepulchr. Anat. Lib. III. § 10. Eiusdem Med. Septentr. Tom. I. Lib. iii. § 15. c. 29. 30. 32. Garengeot. Acad. Reg. Chir. Paris. in 8. Edit. Tom. I. part. iii. p. 355. De Haën Rat. Med. Vol. I. p. 87. Vol. III. p. 185.

que aegrum olim mihi vidisse contigit, postquam faeces ipsas per horas aliquot evomisset, ad sanitatem firmam feliciter restitutum. Quando-
cunque per plures dies morbus persistit, opus est periculosaee plenum aleae. Omnia enim in canali alimentario diutius conclusa vel stimulo mechanico vel acrimonia valde irritent necesse est; unde oriatur inflammatio in gangraenam cito desitura. Hanc terminationem indicant dolor acutissimus subito evanescens, horror, pulsusque cum debilitate frequens. Huic malo jam nato nihil omnino spei arridet; praesidii nihil ab arte capit, neque aliquid habet a natura solatii.

CONSILIA MEDENDI.

JAM vero ad infestissimi hujus mali curationem ordo nos perduxit. Colicae autem medetur,

I. Remediis, quae spasnum tollunt, qualia sunt

A. Antispasmodica.

1. Interna.

2. Externa.

B. To-

B. Tonica.

C. Stimulantia.

II. Remediis, quae ventrem compressum solvunt, vel

A. Vi purgatrice, vel

B. Mole sua.

Quoniam colicae causae solis intestinis haerent, et ventriculus non nisi consensu laborat, *Emetica*, nonnullis equidem laudata remedia, minime propinanda sunt. Novimus ab inimica causa intestina vehementer constringi; dato autem emetico quid amabo! inde sperandum? Concussione validis hisce medicamentis excitata, interdum forsitan materia irritans deorsum aliquanto urgeatur; at semper metus est, ne motu intestinatorum praeternaturali aucto exacerbentur omnia; et aegri vires, spontaneo vomitu prius exantlatae, novis concussionibus oppressae omnino collabantur.

Imprimis autem, si aeger juvenis sit, robustus, firma valetudine ante Colicae adfultum usus, si dolor acutus intestina torqueat, et alvus dudum constipata fuerit, *Venaesectio* ante suadenda est, quam ulla alia imperentur remedia. Etenim summopere cavere decet, ne materia acris, intestina nimium stimulando, inflammationem inducat,

cat, quae, ut modo dixi, quam aliarum partium inflammatio, citius ad exitum infelicem properat. Neve semper pulsu parvo aut viribus subito solutis decipiamur; saepe enim, venae sectione rite instituta, omnia in melius reflectuntur. Multi equidem sanguinis missionem plane damnant; horum tamen sententia, quamvis centum linguis et voce ferrea resonaret, contra phaenomena practica nihil, me iudice, valeret: ad summorum virorum experientiam provoco. Attamen sanguis haud temere detrahendus est, nec venae sectio iterum nisi caute admodum repetenda; semper vires aegri spectare oportet, quae in hoc morbo cito concidunt, amissae autem aegre restituuntur, esculentis omnibus, quae corpori alendo essent, iterata vomitione rejectis.

Sanguine e brachio, si opus fuerit, educto, ad alia protinus confugiendum est remedia. Interdum difficile iudicatu erit, utri medendi consilio primo satisfacere oporteat; scilicet, anne motus abnormes compescere, an ventrem solvere, satius sit. Datur autem certum quoddam et utilissimum praeceptum, Majori necessitati subvenire. Si irritatio magis urgeat, quae spasmos tollant, sin obstructio fortior sit, quae alvum moveant, praemittenda sunt remedia; utraque
tamen

tamen indicatio saepe facili Marte iisdem perficitur.

I. ANTISPASMODICA motui intestinorum abnormi compescendo apprime inserviunt. Horum optimum est *Succus Papaveris inspissatus*, et prae aliis huic morbo adcommodatur, quod dolorem ingentem minuat, et totam simul corporis peripheriam sudore leni perfundat. Quin Sydenhamus *, post sanguinem liberius detractum, huic praecipue confisus est, et eo usque repetendum suadet, donec intestinis quies omnino inducatur. Quatenus sit opii quantitas una vice exhibenda, pro signorum gravitate diversa sit necesse est; a parvula quantitate incipere, et eam, prout signa postulent, vel augere vel imminuere praestat. Opium ipsum in pilulas minusculas confectum, quod mole sua stomachum haud irritent, alii laudant; alii contra, Sydenhami aemuli, laudanum liquidum adhibere solent, quoniam totius ventriculi nervos uno quasi adpulsu contingat, et vomitum confestim quandoque sistat.

* Sydenham. Process. Integr. p. 603. 606. Edit. L. B. 1726. Vid. quoque Aretaeum de Cur. Morb. acut. Lib. II. cap. v. p. 106.

tat. Attamen summo studio adnitendum est, ne alvum nimis ante clausam impensius opiata morentur; namque, hoc facto, summum remedium summum malum erit.

Propter hanc opii vim nocivam, qua alvum adstrictam reddat; nonnulli remedium aliud narcoticum, *Hyoscyamum* nempe, utile fore existimarunt, quod gravi hoc incommodo careat. De usu ejus nihil compertum habeo; sed, ut mihi videtur, paullum inde commodi sperandum. Vis hyoscyami purgativa debilis est ac incerta; et catharticiis, quae post^{ea} dicentur, opio ipsi admistis, multo sane tutius et felicius res agitur.

Camphora quoque, in morbis aliis spasmodicis utilissimum quandoque remedium, colicae interdum mire profuit. Mulieris cujusdam colica laborantis historiam refert Duteau, cui camphorae drachma una porrecta est. Dolor vehementissimus ilico obticuit; attamen, ait, propter ingentem medicamenti quantitatem algore eo usque correpta est, ut vel mortuam referret, neque corpori calor ante rediit, quam vestimentis calidioribus admotis, vinoque interne dato foveretur. Nihilominus haud absimile est, quin modica ejusdem quantitas, cum amygdalis aut spiritus

ritus vini pauxillo contrita, quibusdam casibus gratum foret faustumque remedium.

Spiritus aethereus vitriolicus spasmos potenter admodum compescit, neque vi narcotica alvum adstringit. In Ephemeride Dom. Rozier *, animalibus colica adfectis suppetias tulisse dicitur. ‘ On trouve dans le Journal Encyclopédique du mois de Juillet 1783, tome 5. premiere partie, pag. 156. une lettre de M. le Marquis de Saint Vincent, sur l’usage donné de l’Ether vitriolique aux chevaux et aux betes à cornes attaqués de coliques violentes. La dose qu’il a employée étoit de cinquante a soixante gouttes avec du sucre pilé, en faisant avaler par-dessus une certaine quantité d’eau pure.’ Liquorem suum anodynum in colica laudavit Hoffmannus; hic autem, uti experimentis plurimis ostendit cl. Baumé, nihil aliud est quam spiritus aethereus vitriolicus cum spiritus vini rectificati portione duplici commistus. Hocce colicae remedium jam, ni fallor, in desuetudinem abiit; attamen aegro nimia mobilitate praedito illud propinare non dubitarem.

Moschum

* Journal de Physique A° 1784, part. I. p. 401.

Mofchum in colica Piſtavienſi exhibendum ſuadet Hillarius; in ſingultu, et in hyſteria, quando inteſtina ſpaſmo torquentur, utilem eſſe novimus: Annon igitur in ileo, ceu colica graviore, vel ſolus vel opio conjunctus aeque prodeſſet?

Praeter interna, quorum praecipua huic morbo adcommodata memoravi, Antiſpaſmodica varia externa in uſum vocata fuerunt. Haec inter eminet *Balneum tepidum*. Neminem latet, quoniam fuerit mos iſte Romanis helluonibus acceptus; impleti veteris Bacchi pinguiſque ferinae ad balnea ſemet receperunt; quo dolor a diſtentione ortus calore humido leniretur. Uſu autem jamdudum compertum eſt, aquam calidam in colica gratiſſimum eſſe remedium. Aegrotus ſeſe in balneum ad jugulum fere uſque demittat, vel in ſemicupio aliquandiu infideat. Semicupium, ubi commode adhiberi poteſt, praecipue ſuaderem, atque aegro, quem ab uſu aurantiorum nimio colicam ſuſcepſiſſe dixi, egregie profuit. Sin hoc minus conveniat, haud negligenda ſunt *Fomenta*: Ut ab his auxilii aliquod proveniat, ſumantur panni craſſi lanei, qui magnam liquidam copiam imbibere valeant; hi duplicati vel quadruplicati

druplicati fomento calido immittantur, et abdomini saepius indies per semihoram adplicentur. Etenim, sicut ureteris quando calculus ei impac- tus haeret, ita intestinorum spasmos aqua tepida laxare solet. Dolor inde saepe mitescit, calidus- que sudor optato prorumpit.

Attamen alio quoque consilio balnea adhiben- tur. Necesse est, ut corpori, dum vita manet, fluida non defint adplicanda; hic vero morbus exigit, ut copia tantummodo parca ore fuman- tur, ne stomachus ad motus abnormes sollicitetur; aeger inde prae siti languet, et faeces for- san, materia fluidissima resorpta, intestina valdi- us irritant. Hisce signis thermae subvenire so- lent; etenim vasa patula, per totam corporis su- perficiem hiantia, aliquantum etiam ab aëre ip- so, inter lavandum plurimum humoris resorbere patet. Herbas emollientes sive aromaticas, uti folia malvae aut absinthii, sambuci vel chamae- meli flores, aquae infundere idoneum erit; non quod exinde vis aliqua salutifera remedio acce- dat, sed ne remedium incaute adhibeatur. Mul- ti enim simplicia spernunt, nec nisi decepti sa- nantur.

Post thermarum usum somnus levis interdum obrepit, eo certius autem, si utres aqua calida impleti,

impleti, vel lateres coquendo calefacti, plantis pedum adplicentur.

Sed, prout alios thermarum usu, ita aegros quoque *Aqua Frigida* sanatos fuisse, plurimi medici testantur. Amatus Lusitanus inquit, se atrocem intestinorum dolorem aquae frigidae exhibitione subito et incantamenti instar sustulisse. De Haën * aegrum sibi demandatum memorat, cui etiam ventri universo circumdata nix quondam in graviore paroxysmo profuerat. Attamen aegri cujusdam hac methodo feliciter sanati historiam longe adcuratius tradit Septalius †: ‘Hominem ventris dolore ad omnia rebeli fere enectum, ut algidus fudor jam adesset, nullusque ultra percipiendus pulsus, aqua multa, etiam nive frigefacta, sic mutavit, ut mox in somnum quatuor horarum incideret, ab eoque somno alvum copiosissimam deponeret, et integrae restitueretur sanitati.’ Etenim in Actis Edinensibus historia refertur, in qua prudens aquae gelidae adfusio ileum morbum, qui consuetae methodo, calidisque fomentis non obaudiverat, insperato sanavit. Eodem artificio colicam superari vidit Sanctorius.

* Rat. Med. Vol. III. p. 93.

† Septal. Lib. VII. animadv. p. 248.

Sanctorius. Difficile dictu est, quam potissimum ratione effectus tam felices frigus edat. Utut se res habeat, tale remedium imperare nollem, ne forsan aegrum sub ipsa frigoris applicatione mortuum ipse jugulasse viderer. Sin unquam post alia frustra tentata remedia ad aquam frigidam confugiendum esset, (multa enim in praecipiti periculo recte fiunt, alias omit-tenda,) hanc methodum, tetani curatione edoc-tus,* suaderem. Aegrotus e lecto tollatur, ven-trique ejus aquae frigidissimae urcei aliquot ad-fundantur; in lectum protinus ficcata cute re-ponatur; et opii largiori quantitate data sudatio promoveatur: Etenim, quodcumque fauste cedat anceps hoc remedium, sudor calidus citissi-me prorumpit.

De *Vesicantium* actione variae fuerunt medico-rum opiniones; non meum est litem compone-re; neque, si vellem, tale quid efficere me posse fateor. Dudum vero compertum est, vesicato-rium ea vi pollere, quam antispasmodicam nomi-naverunt autores. Inflammationi spasmus sub-esse, pauci dubitant; et ad resolvendam partis cujusvis, uti lateris, inflammationem, remedium est

* Cel. Culleni Prim, Lin. paragr. 1280.

est catholicum: In asthma spasmodico, ubi nulla adest inflammatio, tantundem saepe valet: Vesicantia igitur in colica ventri adplicare vel ‘a priori’ minime dubitarem. Jam vero multum laudare volo, ex quo experientia fida usum illorum idoneum confirmaverit. Celsus* calida cataplasmata admove, eaque imponere a mammis usque ad inguina et spinam, ac saepe mutare jubet. Sennertus† oleum saponis, quod ex sapone et calce viva paratur per distillationem, ad colicam utilissimum esse putat, si liquoris hujusce caustici guttae sex vel septem umbilico cum gossypio imponantur. Vidimus, inquit Ballonius, cuidam, acerbitate doloris colici detento, placatos esse dolores, adhibito umbilico modico emplastro caustico. Japones‡ moxam accensam parti abdominis comburendae imponunt, vel acus argenteos aureosve in carnes adigunt; in epigastrio anticolicam puncturam celebrant, et novem punctationibus pollicem distantibus figuram quadratam repraesentant. Cucurbitulae quoque cum levibus incisionibus, aut multa flamma,

a

* Cels. Lib. IV. cap. 13.

† Sennert. Lib. III. part 2. Sect. II. cap. 2,

‡ Sauvages Nosolog. Tom. II. p. 104.

a quibusdam * medicis laudantur. Attamen et causticis et punctiōibus longe praestant epispastica, regioni dextrae hypogastricae, vel circa ipsum umbilicum, adplicanda; et ad illa interdum tanquam ad sacram anchoram confugiendum est, simul ac sanguis detractus fuerit; eadem quoque, cum vires jacturam sanguinis perferre nequeunt, nonnunquam sola remedio sunt.

Vomitum interdum mire compescuerunt medicamenta regioni epigastricae adplicata. Emplastra de labdano cum granis opii quindecim, totidemque camphorae, admovit De Haën. Fomenta, ex caryophyllorum aliorumve aromatum in vino Lusitanico infusione, vomitum quandoque relevasse novi. Medico igitur, ne unquam officio suo deesse videatur, haec forsan imperare licebit.

TONICA interdum feliciter usurpari medicorum scripta docent. Aurum fulminans, quod tonicis metallicis (siquando pro medicamento jure habeatur) adnumerare decet, in colica a Germanis † exhibetur; at, si bene paratum est, nihil agit; non bene paratum morbum auget.

Corticem

* Mead Monit. de Ileo.

† De Haën Rat. Méd. Vol. III. p. 358. Edit. 1768.

Corticem Peruvianum quandoque profuisse dicit: De Haën *; sopivit vomitum primum, deinde ileum. Baglivius infusum chamomillae tanti fecit, ut asserere non dubitet, ‘ Antidotum Colicae est chamomilla, a quacunque demum causariatur †.’ Absinthium quoque ex cerevisia infusum apud vulgus usitatum est. Attamen his et hujusmodi medicamentis morbo venienti occurrere satius esse videtur; non expedite adeo graviora signa prosternuntur.

STIMULANTIA, qualia sunt aqua mirabilis dicta, aquae anisi vel cinnamomi stillatitiae, et spiritus vinosi rectificati, leviori malo opis aliquid subinde tulerunt. Caute tamen exhibenda sunt, ne crabrones tantum irritent, et inflammationem cum magno vitae discrimine inducendo sint.

II. QUANDOCUNQUE doloribus alvi solutione succurrendum, nullum remedium ipsis *Clysteribus* commodius dari posse putem; alvum enim subducendo nullas corpori molestias facessunt, neque vires aegri prosternunt. Protinus itaque injici-

* De Haën Rat. Med. Vol. III. p. 93.

† Bagliv. Prax. Med. Lib. I. cap. de colica § 1.

injiciendum est enema ex aqua tepida, decocto communi, vel jusculis oleosis confectum; haec enim, quantumvis mitia, alvum saepius absque dolore ducunt, vel saltem, faeces duriores in collo impactas emolliendo, profunt. Ut enemata acriora sint, admiscetur iis vel sal marinus, vel sal catharticus amarus; illum praecipue laudat ill. Cullenus, et saponem, in hoc morbo multum olim decantatum, eo tantum profuisse putat, quod salis aliquid admistum habeat. Sales vero rectum ipsum adeo interdum irritant, ut, statim fere atque injecta fuerint, enemata iterum reddantur, neque causam mali deducant. Quandounque ita se res habeant, alia medicamenta clysteribus admiscuntur, qualia sunt infusum senae, infusum semi-drachmae vel drachmae unius foliorum nicotianae, terebinthina vitello ovi rite subacta, vel tandem vinum antimoniale. Riverius autem oleum larga quantitate, ad libram unam usque, injiciendum suadet, vel solum, vel cum althaeae, chamaemeli, aut feminum lini decoctis.

Quinetiam, dum haec aguntur, *remedia purgantia* ore sumenda sunt, modo nausea mitis sit, et vomitio nondum supervenerit. Ad hunc scopum attingendum, salina et oleosa praecipue propi-

propinquantur. Cryſtallos tartari caeteris plerisque praeflare docet ill. Cullenus, ſi ad ſemidrachmam vel drachmam unam cum mannae pauxillo exhibeantur. Doctiſſimus Hæberden ſalem catharticum amarum apprime laudat, quod, parva quantitate ſubinde datus, alvum tandem copioſe ſolvat, neque ventriculum ingrate moveat. Ut remediis hiſce ſalinis viſ major cathartica accedat, jalappa interdum admisceatur, uti in pulvere Jalap. Compof. Ph. Edin. Ex oleoſis nullum tantum valet ac oleum ricini ab India Occidentali peti- tum, modo recte ſexprefſum adhibeatur; alias, praefertim ſi incaute adſervatum fuerit, mutationes quaſdam ipſe ſubit, unde guſtui ingratiffimum evadat. Oleum amygdalarum dulcium, et oleum lini ſine igne paratum, multum laudat De Haën. Sunt qui oleum omne genus naufcantes reſpuunt; iis autem quandoque haud aegre conciliatur, ſi addatur vel tincturae ſenae compof. vel tincturae jalappae pauxillum; vel ſi, antequam ſumatur oleum, et iterum medicamento ſumpto, ſpiritu vini Gallici os abluatur. Hoc ſemper in votis eſt, ut omnia huic morbo medendo adcommodata guſtui fiant quam gratiffima; quodcunque enim fauces imas ingrate adſcit, vomitionem certo

certius excitare potest. Remediorum quoque formula ea esse debet, quae prae mole sua ventriculum quam minime irriter: Ideoque Sydenhamus calomelas ad scrupulum unum exhiberi jubet, vel praemissis vel admixtis simul anodynis, ut sub alvi subductione leniatur dolor. Hanc medendi viam plures in re medica versatissimi laudarunt. Sed mehercle medici est bene ante perpendere, quidnam utilitatis, quidnam detrimenti quoque, acre hujusmodi remedium adferat, quam id exhibere audeat.

QUOD si, his omnibus incassum tentatis, morbus adhuc persistet, remedia, quae vel pondere vel mole sua obicem amoliri possint, in auxilium arcessuntur. Vetus erat remedium aëre per follem immisso intestina distendere. Nicotianae fumum, clysteris modo adplicatum, primus, ni fallor, in Philosophia sua Experimentalis commendavit illustrissimus Boyle. Varia excogitata fuerunt instrumenta, quorum actione iterata totus fere canalis ingrato fumo impleretur. Usus illius feliciter admodum cessasse testantur Hoffmannus, Gaubius, et De Haën. Non raro tamen incassum tentatur, maxime quando aut causa plane invincibilis obtinet, aut nimis sero ad hoc auxilium confugitur. Semper quoque periculum est,

est, ne aër intestinis conclusus calore fumi magis extenuetur, et irritatio acris inflammatione facta morbum augeat, vel saltem vomitum intendant. Huic itaque longe praestat aqua tepida pleniore rivo, machinae clysterifantis ope, per anum injecta. Hanc, postquam per 18 dies alvus clausa fuisset, aegroto cuidam opem tulisse refert De Haën; et ill. Cullenus, in praelectionibus suis, civis Edinensis historiam narrat, qui, post omnia alia remedia frustra adhibita, aquae tepentis ope ad octo fere libras in intestina injectae feliciter restitutus est. Hic autem lente et caute agere oportet, ne intestinorum tunicae vi nimia distensae diffilient, vel saltem anxietates summae oriantur, aegro vix ferendae.

Medici olim, eodem sane consilio, globulos plumbeos*, aureos, et argenteos, vel hydrargyrum cum oleo amygdalino, aegris imperabant; et eos, deglutitis hisce remediis, statim ambulare, curfitare, vel cursu per loca aspera velocius moveri jubebant, ut deorsum urgerentur ponderosa metalla. Hujusce curationis multae extant apud Riverium, Sylvium, Hoffmannum, aliosque

* Helmontius ait, ‘ Nemo ilco perit, si globos sclopetarios deglutiat.’ De Flatib. § XXXI. p. 339.

que recentiores medicos historiae. Doverus mercurio tantam fidem habuit, ut Reginam Carolinam, quae colica periit, si mercurium sumpsisset, duodecim horarum spatio convalesceret adseve asse. Mercurius duplicem hic usum praestare illi v. s. u. s. est: vel pondere suo inversum intestinorum motum restituendo, vel lubricitate sua excrementa alvum opplentia emolliendo, et deorsum propellendo*. Fundamento nimium lubrico haecce theoria nititur. Concedatur enim copiam satis magnam, librae minimum pondo, in intestina deferri; in canali adeo flexuoso metallum indivisum per sinuosa volumina aegre moveretur, et ad imam tandem alicujus intestini partem delapsum resideret pondus iners. At ex cadaverum inspectione constat, in globulis terre semper mercurium dispergi; unde vis investigativa perit, neque aliquid exinde commodius sperari plus sperandum. Globulos itaque et mercurium crudum prorsus abjiciendos esse putarem; saltem iis relinquendos, quibus nulla religio, nulla ingenii integritas. Neque tamen difficile explicatu est, quoniam modo mercurius interdum profuerit; hunc enim, mediante tritura, in pulverem

* M. ad. Monit. de Ileo.

verem subtilissimum posse dividi, chemia docet, qui dein corpori humano stimulando idoneus fit. In intestinis mucos cibisque oppletis, huiusmodi mutatio perficitur, atque propter hanc vim novam, (in intestinis, ut ita dicam, enatam,) mercurium utilem fuisse crediderim. Æger quidam colica laborans hydrargyri uncias septem assumpserat; ‘ post triduum spontanea alvus, cum plurima veluti corroni ac nigricantis mercurii parte *.’

HISCE remediis, quae, prout huic aut illi consilio adcommodata, seorsum enumeravi, colicae plerumque medetur. Cujusque erit, pro ingenii sui acumine, ea seligere, quae in uno quovis aegro maxime idonea sint. Hoc tantum notatum vellem, eo certius morbum debellari posse, quo plura horum apte disposita ad liberandam rem publicam conspirent. E. G. Ægrotus in balneo tepido per horam fere confideat; in lectum reponatur; statimque injiciatur enema ex aqua saccharata copiosum. Hoc re infecta reddito, aliud injiciatur ex decocti capitum papaverum

* De Haën Rat. Med. Vol. III. p. 380.

rum fortis unciis tribus vel quatuor, cum tincturae thebaicae guttis 40 vel 50 una admistis; statim adplicetur emplastrum vesicatorium, acre, et amplum, abdomini; et simul cathartici aliqujus fortioris portio major, vel (ne vomitus inducatur) minor pro re nata repetenda, exhibeatur. Quam primum dolorem ab emplastro natum aegrotus persentiscat, enema salinum cum oleo injiciatur; et remedii cathartici paullo ante adsumpti actio infuso senae theiformi, solutione salium mediorum, vel oleo ricini epoto, promoveatur. Hac methodo alvi dejectiones saepissime prodierunt. Sin dolor nihilo secius cum obstipatione persistet, ad clysmata acriora, vel aquae multae injectionem, confugiendum est: Postquam vomitiones stercoraceae supervenerint, haec et opiata * solo remedio sunt.

PRO-

* De Haën Rat. Medendi, Vol. I. p. 184. edit. L. B. 1761. Id. Vol. III. p. 93. 94. L. B. 1768. Riverii Cent. I. N° 12.

P R O P H Y L A X I S.

QUEMADMODUM colica interdum curatu difficillima est, ita, nisi in auxilium remedia idonea sollicitentur, fit facillime recidiva. Ut resectio igitur, medicamentorum ope inchoata, promoveatur, causarum morbi rationem habere oportet, ut praedisponentes quantum licet corrigantur, excitantes sedulo omnino devitentur.

Si itaque a nimia intestinorum debilitate cum mobilitate conjuncta morbus oriatur, iis methodis insistendum est, quae corpori firmando prosint. Imprimis autem id agendum est, ut aeger concoquat; cibis itaque eupeptis (illos volo, qui gratum stimulum praebendo viscerum chylo efformando adcommocatorum justam actionem cingere possint) vescatur; copia parciori illos adsumere praestat, ut se inde refectum, non vero gravatum, aeger sentiat; dulcia omnia et opima, leguminaque, et quicquid inflare consuevit, caute evitet. Vino optimo, ex maturissimis uvis justo tempore confecto, fermentatione jam peracta,
indies

indies utatur. Omnimodo cavendum est a frigore, praesertim flante Borea; panno quoque laneo corpus totum investire juvabit. Aër mediocriter calidus eligendus est; interdum utilissimum erit, mutato coelo, regiones alio sub Sole calentes hyemali tempore adpetere. Hoc eo magis suadendum est, quod itineris ipsa longinquitas mire quandoque profuit. Alicui exercitationi semper se ipse adsuefaciat aeger; unctiones in navi, rheda, praesertim equo, instituendae sunt; equo vehi caeteris omnibus multum praestat, cum in hac gymnasticae specie impetus fere omnis in ventrem inferiorem fiat. Nec ilico post prandium vel coenam pleno ventriculo exercendum, ne crudi adhuc cibi in intestina a ventriculo descendentes bella nova moveant. Haud inutile erit medicamentis quibusdam uti, quae ventriculum, intestina, totumque demum corpus firmant, qualia sunt amara, praecipue chamaemelum, cortex Peruvianus, chalybeata, et hujusmodi alia. Interea omnes sollicitudines et fortiora animi pathemata, uti terrorem, iram, tristitiam, caveat, quippe quae concoctionem laedunt.

Sin ab alvo tardiore malum hocce proveniat, remedia quae eam leniter solvunt, tamarindi
nempe,

nempe, aut medicamenta sulphurata, subinde fumenda sunt. Haec autem a medico imperata nihil agunt, si officio suo aegrotus ipse desit; omnis enim sanitatis cura hoc solo cardine praecipue versatur, ut idonea victus ratione morbi praecaveantur. Huic quoque scopo inserviunt balneum calidum, et modica exercitatio; neque somno nimis indulgendum; Willisius testatur se nosse plures ventris constipationi obnoxios curatos fuisse, diluculo et hora prius adsueta citius lecto adsurgendo*.

Denique, si, vel ob morbos praegressos, vel dolores fixos, diuturniores, quibuscumque injectis auctos, causa est cur scirrhum et angustationem intestinis adesse suspicemur, non est in medico, ut curatio omnibus numeris absolvatur. Jactatorum quidem turba inanis tales scirrhos se posse sanare propalam profitentur: Medici tamen tristes deplorant, morbos hujusmodi vel in exterioribus natos difficillime sanari; at in intestinis malum proculdubio longe curatu difficilior est. Quamvis autem ob imperfectam medicinam, quae ultra certos fines nihil valet, perfectae curationi non locus est, quoddam erit lenire mala quae

H

prorsus

* Willis. Pharm. Rat. § III. c. I.

prorsus summovere nequeamus, atque dolores pessimos praecavere. Huc praecipue spectant diaeta tenuis, humida, balnea tepida, et enemata subinde, prout res postulent, blandissima injicienda.

F I N I S.

